

笏

庵

詩

吳氏一家稿

笏庵詩五

錢塘 吳清鵬

庚寅

有感

春盡天山雪早消
長安極望首頻搔
一時軍已單于覺
六月師猶玃狁勞
名士久留都護幕
總戎深駐上公旄
不應西賊潛逃日
韓范還難善後操

老樹

何年道旁樹
空腹抱龍身
欲問久無主
羣言上有神
危根虛戴土
病幹強抽春
六月清陰美
猶能蔭暍人

觀蟻鬪二十韻

小院初收霽荒庭未掃蕪觸牛聲殷榻盤馬勢轟隅臥
聽緣心怯尋看免興孤成團浩紛結舉步爲踟躕此輩
騷騷爾其來恤恤乎微生輕好鬪爭食起須臾一閔成
鄒魯相仇視越胡居然赴征調誰使習馳驅遇窄危行
棧逢深巧渡瀘率先如敵愾捉活儼歸俘垓下困俱有
石頭降却無兩持堅不下一戰霸須圖猛噬掀翻極長
驅絡繹呼圍深三日陷創甚一軍扶少長似知禮死生
多殉軀么膺雖已細義勇孰能逾王事古多難邊師又
戒虞蟲沙俄莽莽塗炭卽區區每想龍驤士遙憐虎旅

徒驍騰有如此足可敵千夫

潘星齋

曾瑩

明經觀瀑圖

太白銀河詞絕妙東坡玉峽句雙奇久應孫綽難爲賦
况向徐凝更乞詩蜀雪春消巴嶺下吳潮秋入海門移
分無突兀驚君語擬議聊爲一罄思

千里鏡

髹漆爲筒飾兩端玻璃作鏡貼團團東山小魯宜登覽
北斗通秦得倚看帝里且須欣日近旅程那復恨波寬
只憐老去還無用霧裏看花咫尺難

雷雨後月出有會而作

變幻須臾耳目前端倪誰測化工先雷驚電駭疑翻海
月朗風清又一天世局更新機再轉人情回喜態俄遷
了將反覆無窮理高枕涼宵且穩眠

贈俠士朱大

掀髯一笑累千卮說與生平意自奇家散黃金十年盡
身騎白馬萬人知腰間已老專諸劍袖底猶神博浪椎
可惜此才無所用江湖潦倒太平時

詠秋八首

海棠

秋來猶及見紅粧獨放娟娟露井旁傍砌最愁將落日

隔宵難得未經霜正如靜女含清怨自有幽人惜晚芳
若使東風貪倚笑一枝妖冶便尋常

蓼

漁灘五月曾相見搖落西風豔更腴未肯秋心逐蓬葦
獨留春色在江湖白蘋洲外吹香有紫草坡前混影無
敢望蘭苕同戲翠一叢添寫浴鳧圖

鳳仙

鳳仙本是麤疎質亂眼爭開滿砌邊村女入城塗抹豔
侍兒作嫁綺羅鮮叢生金谷無人惜暫傍茅籬有汝憐
聞說宋宮偏寵貴嫌名不敢喚當年

老少年

冷落階庭幾日閒及今時節雁來還
嬌逾楓葉經霜後
傲煞蘆花戴雪間
西母池邊分艾色
八公座上映童顏
獨憐四十余衰早
羞見蕭蕭鬢已斑

蝶

春草猶能綠到秋
一生惟汝逐尋游
羅裙小院鞦韆歇
紈扇深宮篋笥收
亂葉打空還獨下
孤芳送老未全休
莫將栩栩西風意
重上當時金谷樓

螢

孤飛幸出微星夜
得氣初因腐草秋
縱復有光臨暗室

終然無力傍高樓
花間受月俄相失
竹外隨風只亂流
多少飄零苦寒士
年年見汝不勝愁

蟬

槐柳陰疎露下清
臨風猶聽雨三聲
當時亂噪多無緒
賸爾孤鳴似不平
短日荒荒催易急
危枝裊裊墮還驚
不堪劉勝思歸日
正傍柴門埽軌行

蛩

知汝草間吟不穩
伴余燈下聽何長
繁音四壁夜如雨
疎咽五更天欲霜
石馬松楸孤塚寂
銅駝荆棘故宮荒
無情亦有千秋淚
并入啾啾總斷腸

次韻賓谷先生

一老論詩地今年秋又深人皆相舍去公更與誰尋幕
燕孤留影階蛩細學吟不成陪杖履且欲傍園林

余時移居

與先生相鄰

夢感

寔寢息羣動夜氣升華滋吾心寡所營終夕恒熙熙如
何忽不靜夢復來擾之山川莫爲阻鬼神豈與知覺來
尙驚怖思之愈憂疑誰言魔來日亦在道高時安得絕
因緣無復見怪奇悠悠待化盡蠢蠢同愚歸

九月四日雷雨夜起呈賓谷先生

長安八月少秋雨今年雨多秋未止已憐丹桂無消息
更恐黃花遭爛死邇來氣象頗清明一旬晴霽人情喜
聞道芙蓉宴曲江應有茱萸賜朝士南豐夫子還高興
看花約我斜街市許遣銀鞍傍曉迎值得玉尊扶病起
焉知半夜響翻瓢况乃一聲驚失匕時當伏螫乖司令
阻我重陽亦奇矣細思人事豈應然未識天心竟何以

瑤臺登高

曲江秋晚觀濤起長風捲海驅千里歸來却過萬松岡
笑指西湖一杯水天門夜上看日出蓬萊照耀掛金闕
須臾雲海散茫茫回視東山一拳石平生自具海岳眼

每到登臨輒嫌淺豈知十載長安郊瑤臺歲歲來遊遨
樓邊雲樹代山影檻外風蒲作海濤舞甕不會愁跼蹐
搶枋何必慕逍遙君不見彭澤一生隨所遇自言卽事
如己高

嶽廟觀劉塑戲成

此稿辛亥重改
時年六十六

城東嶽廟何雄恢傳有劉鑿塑作坏鬼物青紅雜粉煤
我游時值春蕩駘入門夾植多松榦陰風四起慘昏臆
白日壓空愁晝霾青帝高居尊莫偕穆然無爲總決裁
左右厥辟庶側陪包耶韓耶面怒堆旁有二判簿記材
役使羣鬼受指差閃忽窈窕相媚諧獨一白冠一墨纒

喪容瞿視梅梅一牛一馬面首乖戎服夾立守戶根
餘皆百醜同一胚腰腹肥大背腋晦目深顙頰頭角觶
面色藍靛紫灰哀裘以虎皮帶絲緒赤身跳舞重鍍鉤
男牽女曳手執牌關門兩扇一扇闕但有入來無去回
敢或拘違怒以鎚前橫大河流湑湑一橋滑足不容鞋
其後一山冰積皚尖寒刺骨裸聚偃一山逼人火氣煖
左有林兮虎踞崖右有村兮犬守柴蟲蟲羣飛集寒颼
毒蛇潛伏匿草萊人心九折險邛邛方寸乃自生嘔裊
一落孽海無帆桅此時動足挂罨罨使我對之生悲咲
循廊繞走困以循中休少息就階苔仰視圓景正午纒

但聽恨鳥啼啾啾愁花幾點飄枯萋復起步經東角隈
胡來老嫗白髮頽路旁爲設茶一杯直西有臺高崔嵬
臺上之人似苦哀回身各掩淚濯濯近南獨覺氣休佳
金橋銀橋接上台因出北過上殿來殿中乃益森嚴皆
繚鐙鞭杵密齒排鉞戟列架箭插鞞鼎鑊以次將烹哉
闌刀忽落如莖蕪鋼叉直搗透頰頰亦或鋸而支解開
斧而丁丁活釘埋別有銅柱燄赤焯兩鬼踏輪聲風雷
近之拉雜燒爲灰一鬼疾走手磨推其下流血色凝杯
犬來飴食爭鬪嗥又一瓢酌滿注壘未知何物濃於醅
似聞生前金作災以數罰飲不可哇上乃懸鏡清不塵

捫心自照首敢擡顧視身或化虎豺此輩合受刀斧挨
片片鬻割寸截膜胡爲慘毒及嬰孩一人蛇行蒲伏階
一人豕立啼上臺一人馬食夾就腮一人牛飲牽赴涯
談笑行殺汝不該賄賂公行况汝儕金銀輦致連夾輦
花米如山積京垓鬼輿鬼馬充貨財鬼妾鬼女選色娃
汝不自劾又刻猜聞思菩薩戲九陔從以童子稱善才
旛蓋前導飄錦綉十王降迎背曲船判卒避匿項縮蝸
菩薩慈悲不拘絃哀彼性命若螺麤楊枝一滴散昏痲
拔離種種出焦煨凡諸罪過悉湔揩不比傾覆無栽培
是時入看競進簿或啼或笑或歎歎或泚頰出刺背栽

或吁吁若酣麴酶或顛顛若發疢或疑若思憂若懷
或叫若狂助沸脞道人笑燃鬚于鬣爲衆說法醒大槐
丈夫發願施檀楛女子隨意解簪釵不覺鐘魚已晚催
旋風繞衣遮六街歸來志忘愁作胎我本搓捏煩皇媧
偶戲人海逐沿洞黃金未要招郭隗彝鼎何待賜孔悝
文章亦不爭頽瓌名士更笑清河崔高人詎慕輞川裴
獨念微生細芥臺苦遭衆聒沸鼃蛙下界魃黑又雜萃
紛紛難可數以枚願挽西日軸陷摧看弄北斗柄搓揆
蹴踏崑崙踐岨嶮驅走江海奔湖淮只未擺脫離形骸
常恐不許閒徘徊一朝游岱委灰埃

選詩常恐游岱宗
卽東嶽掌鬼之說

適來此地吐奇核正對嫫母嘲倭傀東方先生好諧詼
淳于滑稽眞優俳得毋文字亦孽媒雕剗造化我罪魁
悔思自懺復自咎寢門夜入走黃能更化大鳥張瓘瓘
一燈夢魘驚書齋覺來月影當窻篔

補遺篇

并序

前詩旣成復檢未用九佳部駟鮭二字十灰部虺
稊莓頭同推駮徠縵徠邵儻峽苟眩十四字更連
綴之名曰補遺亦自成篇也

我家厥初肇有邵

吳爲周後

誕生亦用祀高稊渥洼之產西

極徠

生年屬馬

意欲魯垞空驪駟乃至不如衛牝駮彼皆雕

鞍韉錦纒飾以金玉費琢追食芻三品厭稗秣此獨鞭
辱遭輿僂于今老作我馬虺無草何食山曰岷曠乾只
歎谷中雍飄流但逐水上莓世味苦戀如味苧焉得化
龍學飛鮭試續一篇妙更咳

賓谷先生與余同患腹疾以詩見戲亦戲答之
秋雨洗殘暑快意親枕席陰淫久成患及此始一泄賤
子自不戒困頓臥旬日丈人頗攝衛何得與同疾抉根
搜其源歸咎無所出謂或以詩故而兼飲茶癖因茶并
廢詩詩茶豈受責常怪髻蘇老苦語勸成伯何異病酒
人相遇戒涓滴其言若可聽自飲乃轉劇一粲和公詩

詩成疾已失

野步

野適不知處閒原信自行日斜山鳥急秋晚水花明有
興還投寺無心更入城未知棲宿地虛擬一宵情

和賓谷先生對柳懷人之作二首

崇文門外早霜侵萬柳堂前夕照沉濯濯春姿渾不見
蕭蕭秋思最難禁西師尙阻陽關遠北客多過灞岸深
搖落萬方同一感絲絲正復繫余心

南城夫子不勝愁忽見長安幾樹秋塞上桓公益憔悴
殿前張緒孰風流憂來遇物常多感老去懷人可自由

何必漁洋白門詠西烏南燕寄綢繆

秋夜懷友

風細月孤明微涼動二更空池升夜氣高樹入秋聲似
報留孫楚仍聞送禰衡玉關千萬里流落一書生

送小雅侍御赴金華

司徒堂下狐狸語御史臺中鳳凰去同時罷削七十人
第一聲名最賢素馬鳴蕭蕭落日殘北風中人行路難
天寒地閉龍蛇蟄樹空枝多鳥雀歡知君心愛蘭溪水
東欲入山訪松子不下飛飛有海鷗無言去去思桃李
君不見將軍萬里又邊行丞相孤身方道死莫言西第

頌功成休說東山濟時起山中若遇牧羊兒也應問我
歸何時蓬萊一謫三千歲早晚人間候滿期

閏玉年於孤山補梅數百本并養二鶴其間寄

贈一首

裙腰草沒孤山途祠堂修竹空寒蕪來酌寒泉一盞無
十年減色西子湖此責豈不歸吾徒當時我亦好事者
已約共把明月鋤蹉跎失此坐一緩君今爲之更有餘
美人已放水邊笑雪衣忽下雲間呼此時思君那可說
羨君有志成高逸縱無姓氏附先賢餘韻風流亦清絕
我獨何爲久風塵故人望斷山中春憑君莫向巢居說

鶴怨花愁笑煞人

銅鼓歌和張芥航

井河帥

粵南銅鼓誰所造伏波諸葛皆征苗荒俗傳說苦悠謬
厥義無取名徒標殺列衆凸錯星宿圖寫百怪潛波濤
其形詭異每可喜得此亦足娛賓僚河隄使者今人豪
一生念國常悃勞霜冬休役值無事雪夜置讌延詞曹
摩挲細認辨斑繡叩擊小試聽鏗敲一枚傳觀共詫異
百篇屬和窮鑄雕雅歌投壺等行樂知公聊亦同逍遙
明年桃花春漲起定先役鼓爲民操

題江秀才擁書圖

振闖拋石下榷百無計眼看卷屋漂民田幾年瘡痍幸
小復漸有廬井生新煙方冬水勢未足恃前事之失戒
炯然大臣憂國有陰雨先王樂事無流連羣公聞此願
加意書生妄談或信焉

戲詠都下歲暮小樂府四首

換門神

換門神門神喜侯門赫奕多旌棨出入威嚴神有體換
門神門神愁蓬門低小屋打頭往來齷齪神之羞門神
莫喜亦莫愁去年白戶今朱樓一朝勢落還復休昨夜
春風闐闐度門神散入千家去玉皇親與付除書神職

雖卑亦神數爲丞須臾且宜笑爲尉須醉慎勿怒

俗稱門丞

尉戶休索門錢倚門戶轉眼明年又故新滿街還聽賣門神

送竈君

東家送竈塗糟糲西家送竈堆餽飴我家竈冷獨如水
竈神向我攢雙眉神言自從到汝家三旬九日守空炊
汝雖不言我苦飢今朝一年又滿期若不早計難久依
帝旁玉女巧是非窈窕善笑宜請祈我能爲汝言天扉
神兮神兮勿怨咨我有清茶代酒卮竹燈爲輿駕松枝
瓦盆鼓打筒簫吹送神衙衙上天馳勸神得忍且忍之

買羊沽酒會有時

燒火判

雪羅漢點佛燈燭無盡心光明不愁風大吹汝滅只愁
明日朝陽升泥判官燒鬼火煙不出口侈哆不怕柴乾
燄愈烈只怕來年春雨夥羅漢向我笑聞言了徹因判
官怒目似我嗔我語判官勿怒嗔我從媧皇來亦是泥
塑人擺磨出火以自焚桃梗土偶誰能有其身亦知終
須落汝手今日且得爲添薪

祭春牛

東郊迎春春已蘇官來祭牛牛紙糊醑汝一盃綠玉之

香醕被汝三尺紅繡之錦襦不知今年牛力還何如市
人已擁春牛去家家爭看春牛圖黑牛下田防雨水紅
牛只恐高田枯青牛雖云好力小不足把犁鋤不如黃
牛歲熟多收租牛乎牛乎汝亦得飽芻

辛卯

哭賓谷先生二首

眼見風流歇能無耆舊哀孔融常好客任昉最憐才白
日淹詩卷黃金盡酒杯感恩應不少哭位與誰來
公去吾安放千秋願已乖淒涼逼人日寂寞過斜街羣
鳥空號樹殘花亂隱堦明朝歸旆發西望極天涯

鄭氏園別孫秋士

有美人兮對園居終朝蓬垢嬾櫛梳問着姓氏粗識渠
豈知絕世一名姝笑我不識孫菱湖一見錯呼爲老儒
長年畏客不着帽一夕背人又買書我向花間不招手
君亦笑而唯飲酒此時覺君小異之欲扣元關仍鍵守
朝出暮入竟不知春去秋來復幾時焉知四目相看日
我正疑君君我疑昨日東風怨啼鳥俱出門前落花掃
忽看白日爲指誓直瀉黃河出懷抱人生知己真難得
鄭重分明始一識可惜忽忽又君別出門望君不見君
市聲鴉鴉滿市塵

種杏畢有新燕來集

仲春雨頗勻庭草碧以萋前有芳樹枝天蔓半庭西而
東無所植空爲蒿莧迷畦丁負杏至曉門風露淒山根
密抱土野條繁抽蕘欣然種二株永與配雪梨屈指數
紅芳不日杯可攜仍看子黃熟五月筐載提新燕幾時
至雙占枝上啼明知秋復去春來且銜泥物情適且晚
人事理亦齊小園賦一竿梁客歎羈棲草堂懷四松蜀
老傷乖際感往受物役慮來損天倪但能開新逕何必
守故蹊吾今爲二杏豈與久留稽有屋聊種花無屋采

蕨藜

四時并序

每愛淵明四時一篇爲見道之言惟昌黎以鳥鳴
春四語可配不揣擬一首亦宜大小靜躁之不侔
矣

春雨晚逾密夏雲晨獨閒秋花多近水冬鳥早歸山化
理迭更嬾吾心乘往還陶公自靜妙有述敢追攀

今日

今日空齋內朝來獨靜宜眼前無積事心裏不牽思石
鉢試新茗銅瓶換宿枝整書行近架翻看轉經時

晨起讀書於園中散步兼書所見

讀書晚多途起伏生干歧今晨展數頁未是渙釋時不
知竟百年能否終得之陽和布德澤萬物吐華滋園林
有新景聊復散襟期攀條涉芳徑弄藻臨清漪聞禽覺
化及見蝶知春歸跡由名象著道以神理微少年適何
來粲粲美玉姿放神八極表高談太古詞我起謝少年
老大多廢思且與述康乾焉能記黃羲少年拂衣去棄
我忽如遺

聞夜哭者感而爲啼鳥曲以紀之

四月驚飛霜滿途長安夜半啼鬼車我行怪此不敢出
但聞老鳥哭童鳥啾啾唧唧爾何訴血將淚盡使眼枯

皇天無情亦已甚下視爾鳥何有無東家兩鶴昨喪一

時曹太傅

初喪一子鶴種豈不羣鳥殊苦遭摧折忍一痛割愛不

得緣區區汝不見鳳凰將老鳳雛孤雛生九苞口銜圖
常當獨立三霄上已滿文明四海隅一朝頓舍鳳凰去
驚飛百鳥悲號呼驚飛百鳥悲號呼日夜更望鳳生雛

示樽兒

久客已慣忘客中五十漸近成老翁阿母遣汝來一笑
要我留此雙頰紅我今百事尙無苦手足輕旋耳未聾
扶持早晚不須汝惟有眼霧加矇矓牀頭篋詩三百首
屢改字漫如秋蟲尙思草出他日看委棄不肯隨飄風

汝來幾日得休息未便久逸驕童蒙已分餘室爲置坐
南窗晝靜垂簾櫳庭閒胡蝶出引戲日長蛾子來勸功
讀書向午有餘力執筆在心毋苟容付汝束紙日自課
爲我端書盡一通

送湯守云

詠

孝廉南歸

百觚而後百不知唾面出胯皆安之旁人大笑作戲侮
我獨看君何瑕疵常時勸我省思慮恨不早聽今悔遲
一心正用與物鬪萬事未肯隨化移卽今未老早衰颯
日覺憂患來如絲空養枯源救老漁強扶病樹回春姿
感君終始不我棄更肯苦語申臨歧寒雞三唱漏將盡

冥鴻一去來無期當前欲別使我歎此後不戒還誰規
今宵有情且盡醉明日無事當遨嬉

雨後訪張州前

展

孝廉兼懷魏默深龔定庵

京國游上才奇士得龔魏州甫參其間益見所養粹春
色映紫髯仙響振清唳談經已大醇入座非小異見之
意每消別後心常繫雲陰過晚雷雨脚洗炎熾出門衫
履適舉目清景麗梧館倚高涼蘭池升靜氣正可一夕
談更析十年義魏子獨奈何尙跨玉關騎書生走戎幕
萬里空憔悴龔也近好游頗受細名累樂此今夕行未
肯遂回轡悵望如玉材歎息斷金利

和崑甫靜觀齋詩四首

牧牛

君作牧牛圖聽我牧牛曲
牧牛勿困牛困牛牛怒觸牛
觸傷人苗亦復敗我竹
不如牧牛兒散放滿澗谷
牛馴不兒擾兒間牛亦樂
何嘗待鞭發識兒笛聲熟

種樹

樹生各有種種樹亦有道
造化日鹵莽羣生愈潦草
君看耳目間佳類固已少
勿任樹之性性亦有當
矯亭亭山桂枝生直不可
拘裊裊水楊柳倒栽乃娟好

停琴

美人抱綠綺含意欲有宣衆耳且傾聽期在山水先清
飈薄西頰明月正流天中座忽袖手萬籟俱寂然豈爲
知音希闕此一曲傳昭文自不鼓彭澤本無絃

掃軌

車馬苟不到軌跡誰見存若須待掃去焉能更閉門乃
知劉勝輩拘拘一寒蟬所以陶淵明不避人境喧何必
講唐虞日把箕帚先願君宏此意吾將抱琴前

蘇石綠

璠

以印譜寄示古秀可愛欲乞其惠鑄

數方因簡一首

使刀如筆如游龍百年最數鈍釘翁文

彭

黃

易

一陳

豫

鍾

鴻壽亦傑出餘有作者俱庸庸今觀此譜又歎息乃覺前輩難爲工陽凸陰凹動有則左園右矩生無窮泉紳下注繞屈曲原光中坼開橫縱羣仙雜下委璜珮猛士突出交戈種漢宮觚稜翫金爵秦女釵梁綴玉蟲游絲罥花風嫋嫋餘霞散綺雲濛濛山鬼喜舞獨腳醜奇鶴怒飛九首雄春水文魚亂灑漪秋山朱果爛玲瓏姿態不可盡慘淡心神融刀與手指化石爲精靈通我不能如竹垞初白二大老又不能如長洲博士公

王惕甫先生有吳錫康印

譜詩八百餘字考據詳於朱查諸作

六書細辨蟲鳥跡百家上溯秦漢縱

獨愛此譜二百有餘石石石自異無一同恐疑斯籀久

尙在魂魄捉付君腕中蘇侯蘇侯爾本東甌一奇士布
衣大有林下風二雅山前好池館風爲水檻圍簾櫳買
石千金常脫手聚書萬卷皆填胸花房看搗紅蜥蜴雲
巖爲斲青芙蓉嗜奇好古作遊戲此以自娛豈自攻貴
人權門不輕與分贈所愛一笑充人生多藝亦爲累豈
能禁世無眼紅我有白玉雙鳳紐要寫花英芝草之丰
穠藏之篋中今十載無人與爲施鑄礪寄詩乞君君許
否天南正有歸飛鴻

送林石笥

從峒

孝廉赴秦中卽題其鷗波亭避

暑圖

石筍亦勞人文史抱滿腹屢薦不入第十年無息足擺
脫玉關愁留滯珠江樂東行暫得歸北渡灤河曲雖然
賦浪遊老大未輸服尙恥劍埋沙肯挾珠彈肉昨來攀
燕臺復下樂生哭仍思走諸侯變計救窮蹙一生無巢
鳥飛飛竟何宿六月火雲熱萬里流沙毒須過魚龍川
好出鳥鼠谷王庾虛風流嚴杜實縛束從來幕府地本
不寄高躡回首鷗波亭念子何時復夜深菰蒲香秋早
菱芡熟莫忘碧浪湖共結白茅屋且贈北風篇一變雲

漢幅

吳氏一家稿

笏庵詩六

錢塘 吳清鵬 程九

辛卯

夏日閒居雜詩十六首

在職亦無事况今休沐餘城中萬人海市外一吾廬林
密深藏鶴池煩不上魚惟將冰水簟可對火雲車

王子荒墳塚將軍舊教場僻居來客少暑月鬪身強晚
日清槐色鄰家足棗香納涼門外坐疑是一村鄉
高樹連深院層陰落小軒倦從攤飯過靜出沸茶翻籠
鳥千聲巧盆魚五色繁階廊可徐步隨意破歎煩

涼水河邊聞流無一尺聞長椿寺外井汲有百家分小
圃須霑潤炎階必灑氛僕夫來晚擔念汝亦勞動

鄰翁送花至市子賣冰來每日必雙見曉門方一開流
聲動銀漢露氣帶瑤臺清絕屏帷地何曾著點埃

西郭亭藏芟南城寺帶葭故人邀雪藕高會缺浮瓜不
是扶須杖非難出借車金盃添臉熱怕共酌流霞

今日逢初伏喧聞鼓咽衢隔河千騎撇洗象萬人呼稚
子相牽出柴門不遠扶曉涼堪送目貪倚綠槐榆

夏來常早起空館靜悠悠懶意臨書卷閒情付茗甌案
蠅停理翅甕鼠去回頭注目遭勾引真供一笑休

常貪齋裏坐，偶入院中行。
婢子規簾隙，兒童識履聲。
榴枝初實小，蘭葉晚花清。
慎勿多傷損，須知我性情。

繞徑團朱架，侵牆擁白沙。
異枝開翠竹，小朵號洋花。
蒼荀來僧竺，蒲桃入漢家。
物希初見貴，今日滿天涯。

向晚忽涼思，風來何處飄。
亂雲低徑竹，急雨灑牕蕉。
氣散魚龍鬱，恩蘇草木焦。
神功能澤物，吾意快清宵。

此夜足幽寂，中庭獨坐遲。
鳥眠風定樹，魚出月明池。
隔院誰家子，琴聲欲絕時。
分明不得見，襟抱可同期。
宛宛謝家子，英英江氏郎。
已能傳綵筆，不與佩羅囊。
詩思起，余好書聲覺。
汝長終朝苦炎熱，坐對暫相忘。

獨有南城老當年數肯臨自從花市散無復草堂尋苦
夏今朝意傷春昨日心秋來應更感愁絕四時吟

忽憶征西將重籌善後難 王師自無戰賊意尙多端

瀚海沙新熱天山雪舊寒玉關辛苦地何日解征鞍

自幼更何說經年不上書徒聞 容直諫無乃好閒居

攬鏡心猶壯持籌計獨疎青門未敢去學把種瓜鋤

易梅詩 并序

彭詠莪

蘊章

舍人有顧南雅學士畫梅一幅梁吉

甫 逢辰

公子見而欲之公子固多藏舍人請以羅

兩峯山人畫梅爲易公子弗許舍人亦有難色乞

詩爲判

放眼向天地萬物皆許爲盜竊忽然異肝膽一身便已
分楚越我笑東坡與晉卿當日區區較馬石未能了雞
蟲幾至鬪蚌鷸而况梅與梅一梅豈二物得隴望蜀無
乃貪在楚猶晉亦何擇乃知二子亦狡獪要看吳生能
剖決我家籬落春風枝歲歲花時不禁客二公他日能
相訪雪裏同來看紅白

園明園曉直

萬樹曉風色滿池殘月光蟬聲初起靜魚氣早行涼內
侍收封事中官列射場賢良門下望 開國意深長

感事十二韻

潦雨三春積，洪濤百谷趨。更遭江泛漲，全失海歸輸。巒社區區耳，孟城岌岌乎。艱難防下堰，容易洩全湖。萬派空中落，三更夢裏呼。倉皇雜神怪，慘淡亂鶩鳧。已用白圭策，誰陳鄭俠圖。無家避他縣，有國哭窮途。沱漢全浮楚，婁淞亦灌吳。南行多巨浸，東去半災區。大澤秋號雁，叢祠夜嘯狐。願聞安集計，莫作取萑苻。

聞汪小米

遠孫

舍人屢出湖上，與同人爲詩酒。

之會寫圖紀事，以余昔曾與於社而仍寫余其間賦謝一首。

一自西湖與子辭十年清夢悔歸遲看雲秋憶呼猿洞
對雪春懷放鶴祠靈運無緣蓮社入濬沖有恨竹林遺
畫圖何幸蒙相憶容著疎巾野服姿

送友之陝

豪宕生平未放鞭茲游還去路三千河流北繞秦關曲
驛道西通蜀棧連衣過三峯霑曉翠馬經五峙蹴秋煙
料知日暮驅車地應有流傳少保篇

七月十九日聞

詔奉寄白小山

錄

總憲二首

時督學江蘇奉
察看被水情形

詔

九天詔下問瘡痍眞見如傷滿涕洟諸道荒荒同泛溢

蒼生析析太流離長官若許求民隱父老終須識
聖慈可惜汲公今不見也應富范有遺規

皇華特借使臣輶問俗須親駐節旄南國此行多憩芟
北山豈曰獨賢勞吳江潮未歸三泖淮浦風猶動九臯
秋氣漸深霜信早哀聲可及慰嗷嗷

讀黃文節公集

高館蕩煩喧閒居寄超忽時賴古人篇陶寫清興發黃
詩少所習初若逆梳髮茲秋庶務掃得讀竟累片嶽嶮
陟嵩華杳渺泛溟渤窮造得夷塗始出豁幽窟足知造
化奇元氣更一洩元豐兀砥柱西江盛衣鉢若人有根

柅經營非倉卒十年師浣花蘇門不敢越及此復悵惘
乾坤雙突兀嗚呼千秋難不死常戲謔未成一家言身
名懼兩沒

家矩堂

良化

惠龍尾坑眉子青硯

一硯滑滑不受墨三月垢衣未灰沃其一沙沙專敗筆
倉卒應書聊取速平生性懶到蟣虱坐使眼冷笑鸚鵡
石交以此於我疎誰肯屈居就茅屋况聞歛坑龍尾青
價重洮河鴨頭綠十年石戶求上腴一片水溪割寒玉
黛痕細蹙遠山橫翠色如經新雨沐細看不厭真娥媚
造次欲試敢汗觸明牕無塵綠搖竹他日爲君揩老目

請畢南華內外篇更寫離騷九歌曲

鶴田舍人舊藏注易時所得一石自名曰太鶴

洞天

亂山擁翠甌東城草元先生坐茆亭五十不出抱遺經
損益已曾識向子窮愁不減如虞卿忽然聲價滿都京
子雲入薦誰使令奇哉太鶴一片石獨充萬里之囊籟
說元道妙走爭看愚者不識智妄評我來以手捫天星
瑤光一點寒崢嶸惜其謫墮吁可驚媧皇何時補天成
用汝和合蒼根精雷雨白晝起晦暝送汝還復升金庭
曷不韜養保汝形擾擾世垢不足撻母使俗兒覷眼輕

藕舫洗馬月下過談述其小時得一錢甚異乞
詩紀之

許子對月忽太息自言曾見唐時月其月正在貞觀年
我得見之貞觀錢以錢置水光炯炯錢自下沉月上湧
水搖影碎月急流一月散作千月此時不愁無月夜
但愁錢失月難借豈知無錢月原自有月翻愁照人老
我勸許子且勿歎今宵月好須憑酒無錢尙有人看月
他年有月何人看

寄懷范春船元偉孝廉

范子如秋花一笑滿幽谷縱老愈益情性固不諧俗前

年晉水去堯祠弄碧玉不逢青蓮子誰賞荷花曲關山
送早寒風景淒以肅秋蝶逝無影雲禽倦來宿感衰驚
物變念遠悲時速雞黍有成言曷足慰余獨

夜起答家書

倚枕永漏轉雞鳴月落後殘燈耿猶在攬衣悄回首平
生爲溫飽一官亦已苟貪戀不自恥今則仍何有鄉書
有責言謂余屢誑婦荒年苦嗷嗷三晚莫餬口破屋終
夜驚兒女風雨走焉能置不顧常使饑寒守每答一封
書下筆吁嗟久

天台僧

步出國東門行行造竹所不知何代寺破落似無主諸
佛臥莓苔敗壁走風雨跌坐一老僧瞑目鬚眉古誦經
不出口聲若滿殿宇問知天台來願滿百年住貪癡衆
所逐眞如了無取不識妙蓮臺空倚多羅樹上人脫滓
穢業白獨勤苦霜雪淒以厲衲衣猶未舉亦擬贈布粟
高義未見許

黑龍潭

層崖積元陰幽穴闕太古霧隱青光翻日抱赤氣聚寒
流淨可掬危磴滑難駐游魚疑有神過鳥不敢侮奇蹤
久此蟠靈蹟著亦屢詎用禱青墓無假鬪白虎 鑿輿

多見言卷二
肅清曉香篆嫋輕縷精誠上昭格霹靂起掀舞行非御
史隨致豈宰相取沛然蒼生霖大哉 天子雨

過賓谷先生故宅

秋至憺無豫永歎哲人萎枉道經故居入門愴餘思蕭
條蔓徑深寂歷文牕闕風蝶亂孤叢雨蛩咽哀砌苔間
舊跡存花下殘尊廢昔游文譙盛茲來清景異伊人委
運去蟬蛻泥滓棄道在不俱亡時至焉足繫未死尚有
情蹙蹙生感歎

平原君相士圖

平原一去三千年趙州有土空秋煙買絲正恨無繡手

丹青何處來翩翩吾觀七雄起戰國獨秦謝客常閉關
其餘六國君虛名往往能招延士皆相請自隗始王亦
大呼曰觸前求之有烏無烏際好在似龍非龍間維時
西公子亦以結攬傾主權平原文采妙一世差於諸子
稱能賢一言自薦得毛遂千金爲壽失魯連他士皮相
亦無取獨愛座上識孔穿方今何人當顧盼懸之其右
聊周旋客能過我十日飲尙有豪氣夜半驚當筵

懷楚中諸友

霜風掃枯木葉鳴游氛不動寒空晴天地正氣有肅殺
盜賊何處猶縱橫傳聞南方事格鬪烽火阻絕江華城

吳望山頭遍磨插秦隴水口稀船行故人消息久不至
孤館落日增愁生時間羣雁掠空過肅肅勢疾風雨聲
意欲附書向萬里影滅不見傷我情

戲作遣懷

臧穀兩亡羊讀書均博塞以詩坐廢事何異溺酒色若
科風雅罪例固宜奪職我今尙不戒口過滿堂室日費
諫官紙轉欲自彈劾略觀所美刺似肯存直筆晉楚無
信史或備考得失階餘不盡花案有未殘墨得興且自
放待議歸可必

次韻大兄九日對酒憶弟

不敗重陽與知無縣吏催遠蒙傳好句若爲接行盃秋
月能禁冷冬山莫放頽原詩汝休投熱惱余已就衰頽只憐霜菊盡未
與雁同回

楊小韓

如潮

表弟所藏畫石冊

長安市上貴人宅要我名園賞奇石歸來幾日坐成想
欲買傾貲惜無力楊生昨來峨嵋峯袖中攜得峨嵋色
清晨爲我開一幅要令老眼驚突兀月黑深林元豹蹲
冰荒大澤蒼鷹立美人胡來步莓苔山鬼欲出衣蘿薜
若教移置階庭間依花映竹俱稱絕却思從來愛石人
至今幾姓能不失無論會昌相國家何必宣和內府跡

翰林一片米家山尙書三品唐苑物絳雲樓燼劫灰殘
紫藤屋老荒苔沒斯人賢愚未可齊身後寂寞事則一
不如楊生此畫冊甲丙聊堪自娛悅嗚呼正恐此畫亦
復有流落人生多聚所好竟何益

送小雅侍御江右覲省

去年送君還浙西惜君一日辭諫扉今年送君赴江右
羨君五十着萊衣人生獨此最難得餘皆可聽之
酒盡花間雙玉卮留君不住君欲辭十八灘前帆裊裊
君家嚴君應出笑慎毋更說罷官事恐復老人惡懷抱
君不見幕下飛書段成式途間草賦王文考核南樂事

有餘閒新篇早寄煩相報

奉答三兄秋懷三十二韻

一宦游京國頻年別里門奮飛應未得退處且難言自
歎眞維谷相呼切在廩吟懷入秋感遠道與書論眼盡
一干字腸迴十二番從來愚者弟失學仗諸昆引習將
飛鳥收回不繫猿友于情最篤師也道兼尊身範資陳
寔家箴得馬援精心穿溟滓高眼視乾坤幾歲提攜力
終身佩服恩嚴灘稍異榻隋苑又同樽蘭葉脩春契梅
花弔古魂出借舟泛泛歸共被幡幡酒食先生饌詩書
夙好敦鳥音常上下花意不翩反孰分南山豹翻爲北

溟鯤從茲多聚散近復阻晨昏臺冷容烏集池閒看鳳

騫

八兄官內閣中書

梧桐雖合宅桃李曠游園送豔愁登閣追

涼悶坐軒棗花風翠細榴實雨紅繁每對情俱觸誰言

慮不喧啼蛩又啾唧去雁獨飛翻昨到揚州札聞吹伯

氏壘空傷九日會已少一人存

大兄四兄俱客揚州近有九日憶弟詩一人謂

二兄沒於前歲

七子鳴鳩什

余兄弟七人

百年荆樹根那堪枝葉悴

常失羽毛溫淚苦皆離恨歸遲實素殮秦亭自媚秀茗

水日潺湲有夢西溪繞無心北斗捫會從吾季子耕築

守邱樊

讀劉義詩膽大於天句偶成十二韻

客有劉又膽從來侮四筵狂澆雄酒後怒放鬱文先奇
氣爲包絡元精與貫穿夢中酬帝曲醉裏答神絃大海
探驪入孤身拚虎還東坡讀杜集詩拚虎得絛袍用
嚴武語割裂鬚字古人不嫌也亂
驚星墮水倒喝月行天西母愁調笑東皇避刻鏤有時
翻絕叫到處搏空拳孤鬼呼同語君王召不前朋游問
黃竹弟畜看青蓮脚敵猶千輩髯掀動百篇紛紛郊與
島寒瘦總堪憐

贈金生

基南還

世人見醫不肯謁大似桓侯自諱疾不然強入匠門來
無奈元君又非質金子璞中萬鎰姿走尋玉人知惜之

出門森森魚千里假館嚶嚶鳥一枝
鵠卵應須鳳凰伏豈有奔蜂化蠶蠋
西河枉使疑夫子數月空留門下宿
朝來得書別淚揮告我有命趨庭聞
贈詩且擬慰遠道南行今日區宏歸

謝內廷友人分惠佛手柑二首

非關竺國浪稱名珍果天然嶺嶠生
雪蒂風枝若新採山郵水驛自多程
昨聞珠篋南邦入已有金盤北闕
擎敢望天家恩徧及故人分與亦君榮

歐閩近接是吾鄉曾剪玲瓏破早霜
不放拳還愛鉤弋多枝指欲問蒙莊
吟龕此日虛清供夢帳空宵失妙香

不是內廷分一片淡黃那得點茶膏

和徐廉峯

寶善編修

徐右蓬萊坐未久日念家山悄回首日愁看雁去彭蠡濱
屢夢魚來武昌口故園昨報梅花開一夜立損蒼階苔
新詩說盡南湖勝閒道便擬東關回一官得歸歸自好
我歸未穩偏嫌早四赴坡公江水明五遭杜老溪花笑
君不見丞相大庾戴可亭師初收橫浦舟尚書當塗黃左田師始築青
山樓可憐不負東門餞二老風流已白頭

答三兄

故國多喬木先人有敝廬

東坡句

髯兄能繼作晚歲問何

如雪竹連深院風梅落古渠相思不相見渺渺正愁余

張詩船

祥河

農部席中同賦 螾螾螿螿

北人嗜南烹取貴在夸目我時驚客筵搜意羅細族吳
蟪歷江珧越螺敵海粟西子乳垂垂仙人掌漉漉白小
乾復鮮湯雪不勝沃槎頭遠難寄醉甕走急足其餘蚶
蛤輩佐進亦時欲平生食齋腸初不任蹄躡偏工貯鱗
介瑣瑣窮海陸邇來稍自貶百過冀一贖螾螾素不食
厥惟沙狗屬鄙人關鬲冷嘔泄懼傷腹而君來鱸鄉獨
取入鯖錄初秋利生斫幾日用乾蒸鮮紅小折戟螾螾
紅色者最鮮明土碎白細鱸玉加熟國笋間謂可諸俊
人爾爲鸚哥嘴

奪我初食鄉味轉作北人愕乃知君嗜好於我又加酷
竊聞隨園老方法秘多蓄飲食有恆經似恐非口福君
看千螯羹有過雙暈蹙願護一蟻缺各勉萬金勗慎毋
廢此篇苦語本玉局

種花圖

相傳明
末人本

一童負擔走且馳兩童植鋤目送之一童合手雙秉持
一童曲腰俯踞籬籬東種得已滿墀籬西繞及兩三枝
何人桃巾藕絲衣擁石高坐目屢移從以兩童髻髮披
一童近前笑口微仰視似聽頤指揮此畫經傳二百年
不將名姓落人間得毋亦是逃秦者令我展卷增淒然

常恐後世不復見故擬東坡畫馬篇

朱芑堂太常招食蕓羹是夜大雪同用東坡聚

星堂韻

湖蕓生小未成葉湖上女兒顏勝雪記得春秋有二時
采來紫翠稱雙絕五年燕市苦腸肥一夢西湖每心折
無奈今年又失歸只有相思隨起滅邇來近局尋雪踏
聊放饞奴如電掣生香忽覩滑流匙喜色先驚笑開纈
座中蜀老最垂涎謂卓海帆前輩厨下吳姬誰點脣主人猶能
辦咄嗟太常命更爲之殘年不放過飄瞥廬陵醉翁那得知黃
州饒守應羨說只憐強韻鬪尖叉苦要筆端生屈鐵

醉中卽席仍用前韻

堂前燒折銅荷葉不知門外早鋪雪主人相勸樂事多
寒夜不聞凍鼓絕是時酒行百令舉只未拄杖學倒折
前觴急遞花不落後觴又過如鳥滅百罰何辭已不勝
三更欲起仍被掣安得且飲解醒湯爲我一掃生花纈
大呼強復尋拇戰小唱微聞落歌屑醉去能添春意多
狂來只少秋波瞥吾輩何須文字飲生涯莫作冷淡說
明朝還君繞三匝試取吳兒腸木鐵

雪中求園蔬不得仍用前韻簡朱太常

朝來忽似蠶失葉只有梅花和嚼雪書生食籍當百糶

今日天公更斷絕先春韭芽未許嘗出土瘳頭空壓折
轉思昨夜蓴絲美歲久經收香未滅君家旨蓄頗有餘
不比貧庖常肘掣坐從緩火試初湯飲到微冰生細纈
歸來幾日歎空厨欲就妻孥謀屑屑恨少寒菹向晚儲
愁看冷絮漫空瞥亦知忍饞自不禁姑爲求益且容說
君如更許煩玉腕放我凍脚軟寒鐵

圍爐十六韻得圍字同湯幼橋表弟江式新秀
才小穀兄標山從弟

密密深房閉默默廣幕圍留徐方下榻訪趙正肩扉插
脚來俱早排肩坐不稀瓦盆燒夜起茅屋有春歸乍撥

灰埋淺俄騰燄透微一星輕栗爆餘氣靄松醴細細添
還續離離起復依燎鬚渾欲上炙手各無違漸覺檐冰
動虛幌雪飛明翻金盃藩暗紫玉琴徽暖意催花似
醺懷得酒非擁裘初暱就脫帽已爭揮却憶袁安徑遙
憐范叔衣未知當此夕何以禦寒威土銜空埋冷蓬門
不借輝中宵應目斷送炭故人希

送詩舫督運山左

十年不作潛郎邸翩翩天上張公子侍直曾過樞密院
奉 詔今稱督運使吾聞乾嘉來國有三大政丁力艱
難更疲病已仰江南轉萬艘仍兼山左飛百郡大農惟

支二年粟此道實關三輔命當時最惜北河議一之不
效誰再請朔風卷雪飄征旗君行須去毋留遲明年楊
柳泊船處好見潞河三月時

戲贈

積貲千金散一笑服藥百裹了一宿世人未信草頭露
君已浮雲等過目忽聞何處玉簫吹還作尋春杜牧之
枇杷樹裏懷薛女臙脂坡下訪文姬自道展禽保鄉里
不用更學閉門子固應未礙賦梅花只恐無端食枸杞
君不見鏡中鐳白差已多少年樂事奈老何交甫贈言
誰解佩幼輿折齒枉飛梭

贈徐大

聞欲天山去，征西看踞圍。
百金裝寶劍，三日試綉衣。
怒馬嘶風立，饑鷹掠水飛。
窮途誰識汝，空惜壯心違。

壬辰

王石谷畫山水卷子二首

石谷有款云畫於天關之放眼樓

矮幅不盈尺，橫長二丈餘。
江山入平遠，水墨得清疏。
仔細分吳樹，微茫辨楚漁。
峨眉萬里意，東欲到歸墟。

憶上雞籠頂，還登燕子磯。
風吹白楊下，日落紫雲飛。
玉樹哀歌歇，金川往跡非。
從來足懷古，臨畫復歔歔。

食元宵子

學開水晶團中有冰蜜汁平生喜粉資早晚方漫喫焉
知長安城已作上元節故人有餽問歲例頗不缺筐筥
託殷勤春磨出精潔人喧市燈上月出家宴集兒童強
解事七箸已候室臨餐復三歎我今尙爲客

又效詠物體十六韻同作

除夕到元夕新年接舊年尙傳風物美正對月華圓白
雪搏酥膩紅泥裹餡鮮經營兒女早餽餉友朋先已用
致微意因之列綺筵九枝燈照耀十棒鼓喧闐鬻沸泉
香發奔騰金氣旋湧珠翻小海浮玉出沉淵得采爭先
笑撈空失後憐溜匙雲母滑黏著水晶綿我亦鄉風舉

時循歲例沿偃王何骨軟

杭諺云糯米湯團喻人之柔媚無骨

老子太心

元

又云空心湯團喻事之空虛無實

遇物能嘲弄加餐自祝延半生餘

脫齒臨食尚垂涎懷餅春徒說題糕秋浪傳團團惟此
會一飽最流連

喜又橋至三首

賢者固不測進退熟自謀舍人別我去前年鳳池秋自
聞武林棹懶放廬江舟不處嫌疑間子遂以無尤居貧
風雨多歲晚山川修無使伯玉問有病子桑憂於今已
三年學成道更適惠然冰雪中樂子復來游

長安市上宅棟宇連雲虹留賓羹芍藥臥客褥芙蓉玉

妃窈窕笑帝座呼吸通城西獨一家槐竹弄清風案有
斷殘簡壁挂雌雄龍朝眠鳥起喚夜坐月相從胡爲慕
岑寂甘自親衰慵君肯主貞子我喜客孟公

新燕已改壘老鶴獨戀枝吾家惠連弟從我久依依志
靜無逸思心清多妙詞得子二妙并慰我三益思吾聞
友朋樂賞析在奇疑百里輒命駕十里卽披衣矧此一
室間言笑無違期幸勿便棄我使我傷索離

消寒第六集余爲主人

拆日年頭接年尾隔家城北遞城南未貪宴樂需之五
自喜攀追益者三溯淵取魚貧士饌傍籬繫馬故人驂

長安此會知多少已有流傳勝事談

雪望

初日明霽雪層雲蕩宿陰孤臺一寒眺
百里空遙心松竹時掀舞梅花何處尋
羣飛出求食獨鶴在前林

春寒

春寒頻見雪二月少和暄農事無消息
詩人有素殮虛疑五行咎或恐一夫寃
未免書生見君恩恕敢言

奉侍

聖駕祀先農壇遂行耕藉禮成恭紀

春陽澤土脈皇心眷時農前期簡稼器
宿夕張帷宮夾道列星樹過輦聞清鐘
升壇初穆穆適次少雍雍崇

臺上旭日廣畝來冷風近侍奉馴犢尙衣進袞龍田唱
清謳發方旗綵隊從撫犁合雅節引鞭著敬衷加數畢
四反以次班三公終喜農夫敏亦緣諸王恭小臣與觀
禮幸獲瞻 聖容賦潘薄往駕歌顏陋前蹤珥筆備書
紀拜手頌屢豐

西郊春眺

出郊送春日值曉散塵容暫辭朝士列得躡野人蹤遙
山霽宿雨密林含清風原麥潛吐秀溪蒲亂抽叢舞蝶
隨行嘔驚魚落過筇依谷憇冥冥溯流聞淙淙目擊趣
已領情遽賞莫從終思振輕駕歸踏六橋虹

送金湘門

開第

觀察楚南

金子將楚游聽我歌楚曲地險帶苗疆天文逼井絡五
溪瘴黃茆萬山叢箐竹漢番之雜居自昔種多族前經
檳榔關過此盡獠屬表延二千里蟠亘中國腹連屯蜂
蟻聚伺穴蛇蝎伏其人多狙詐其行若鳥速此輩性氣
野亦未外覆育甘心服牛馬內首就約束出入互通市
歲時來歸獄女請爲人妾男願充圉僕或有漢奸人脅
誘使格觸撫馭一失所首尾化螫毒永江尙戰鬪戎馬
限逼促士將初失利天威下弧鞫視師命親賢指畧
授疆牧百城戒數月萬夫攻一屋鳥駭衝梯舞猿啼火

箭落諸洞失外援羣酋聞內哭已驅置死地自可得生
縛吾聞兵家言所戒多殺戮子儀單騎定諸葛七縱服
豈惟螻蟻輩不值膏斧辱我寬焚林厄彼就歸淵樂白
起北坑趙相如西喻蜀惻隱誅求情杜仁者計宜熟從
來禍亂萌兆始有由作哀哉憫黎詠明錢君望有憫黎詠五首前人
傷已蹙吾子經畧才 朝廷遣觀俗勦撫自有經豈待
夫子勗還當問根本鑄劍事耕犢

高其佩指頭畫鷹

高公來自三韓人雲帆渡海萬里身角鷹亦是海東物
高公因之畫入神高公善畫不用筆以指爲之更奇逸

目含炯炯俊不羣
翮聳稜稜健無匹
吹裂孤雲畫角哀
平原落日大旗開
每從屏幃欲飛去
摔灑毛血空中來
此圖拗怒意少息
寒空漠漠吹陰雪
神凝氣斂兀不動
獨上松梢梢危立
百餘年來見畫鷹
新羅山人亦最能
山人用筆得筆妙
還讓高公指爪矜